

SANCTISSIMI D. N. DOMINI

CLEMENTIS

is
12

Divinâ Providentiâ

P A P Æ X I



Declaratio nullitatis Præcepti, seù Mandati à quodam Delegato asserti Tribunalis Monarchiæ Siculæ nuncupati ad impediendam executionem Literarum, Decretorum, Mandatorum, aliorumque Rescriptorum Apostolicorum promulgati, ac ab eo per universam Diœcesim Cataniensem transmissi, cum ejusdem Præcepti, seù Mandati, ac indè secutorum, & secutorum quorumcumque reprobatione, damnatione, & abolitione.



R O M Æ, MDCC XIV.

Typis Reverendæ Camerae Apostolicæ.

THE UNIVERSITY OF CHICAGO
 LIBRARY
 540 EAST 57TH STREET
 CHICAGO, ILL. 60637

THE UNIVERSITY OF CHICAGO
 LIBRARY
 540 EAST 57TH STREET
 CHICAGO, ILL. 60637
 THE UNIVERSITY OF CHICAGO
 LIBRARY
 540 EAST 57TH STREET
 CHICAGO, ILL. 60637
 THE UNIVERSITY OF CHICAGO
 LIBRARY
 540 EAST 57TH STREET
 CHICAGO, ILL. 60637



THE UNIVERSITY OF CHICAGO
 LIBRARY
 540 EAST 57TH STREET
 CHICAGO, ILL. 60637

C L E M E N S

P A P A X I.

Ad futuram rei memoriam.



NOVA semper in dies, ut aliàs non semel diximus, & semper acerbiora ex Regno Siciliæ ad Nos afferuntur. Nupèr siquidem Nobis innotuit, quod ille idem Cajetanus Buglio, qui dudum, uti Delegatus prætensi Tribunalis Monarchiæ Siculiæ nuncupati, generale Interdictum, cui Venerabilis Frater Andreas Episcopus Catanienfis è sua Civitate Catanienfi, ejusque Diocèsi, per execrabilem Sæcularis potestatis abusum, ejectionis, in actu ejusmodi suæ ejectionis Civitatem, ac Diocèsim præfatas non ità pridem jussu nostro subjecerat, nullum, irritum, injustum, ac illegitimum, speciali suo in eadem Civitate Catanienfi ad id promulgato Edicto, temerè declaravit; gravissimo hoc patrato crimine minimè contentus, sed secundum duritiam suam, & impenitens cor, addens peccatum super peccatum, ac thesaurizans sibi iram in die iræ, animo forsàn, ut stultè opinabatur, energuandi efficaciam eorum, quæ ex iniuncti Nobis Apostolici muneris debito adversus ipsum, ejusque acta à Nobis decerni contigisset, ac potissimum eludendi executionem quarundam nostrarum in simili formâ Brevis Literarum die xvii. Junii MDCCXIII. expeditarum, quibus non modò illius Edictum præfatum, aliaque per ipsum eâ occasione vigore suæ assertæ Delegationis perperam gesta, cum omnibus indè secutis, & quandocunque secuturis, damnavimus, reprobavimus, cassavimus, & irritavimus, ac pro damnatis, reprobatis, cassatis, & irritis semper, & omninò haberi volumus, & mandavimus: verùm etiam eundem Cajetanum, necnon Joannem Baptistam Perino Magistrum Notarium, qui memorato Edicto subscripserat, Censuras omnes, & pœnas Ecclesiasticas à Sacris Canonibus, generalium Conciliorum Decretis, & Apostolicis Constitutionibus, ac præsertim Literis die Cœnæ Domini singulis annis legi, & promulgari consuetis contra similia perpetrantes infictas, incurrisse declaravimus; sequenti mense Julio ejusdem anni, in suarum iniquitatum cumulum, impudenti non minùs, quàm detestabili ausu, Præceptum quoddam, seu Mandatum edidit, illudque typis impressum, & ab eodem Joanne Baptista Perino similiter subscriptum Ecclesiasticis tam Sæcularibus, quàm

Regularibus universis Diecesis Catanien. transmitti, ac denunciari curavit, per quod inter cætera ipsamet Apostolicæ Literæ, aliaque Decreta, Mandata, Edicta, Censuræ, Interdicta, & Rescripta quæcunque ab hac Romanâ Curiâ, hoc est, ab hac Sanctâ Sede provenientia, quorum executionem Sæcularis potestas minimè permisisset, nulla, irrita, ac, quod horrendum est, conscientiarum Christifidelium tranquillitati adversantia, impiè, & sacrilegè declarantur: gravibus constitutis poenis adversus eos, qui illa quovis modo executi fuissent, & aliàs, prout uberius continetur in eodem Præcepto, seu Mandato, quod non alio quidem, quàm illud penitus, & omninò damnandi, & anathematizandi animo præsentibus inferendum duximus, tenoris, qui sequitur, videlicet == *Portiero. D'ordine del Reverendissimo Dottor D. Gaetano Buglio Decano, e prima Dignità di questa Santa Proto-Metropolitana Chiesa di Messina, Commissario Ordinario del Tribunale del S. Offizio, e Santissima Inquisizione, e Delegato del Tribunale della Regia Monarchia di questo Regno di Sicilia, non solo Ordinario in questa Città di Messina, mà ancora Delegato Speciale in Causa dato dall' Illustrissima, e Reverendissimo Dottor D. Francesco Miranda, e Gayarre del Consiglio di Sua Maestà (che la Divina guardi) e suo Giudice Ordinario dell' Apostolica Legazia, e Regia Monarchia in questo Regno di Sicilia, in virtù di lettere spedite dal Tribunale della medema sotto il primo Luglio corrente presentate, & esegute nell' Officio dell' istesso Buglio sotto li 11. del medemo, in congi, ed intima con la seguente ingiunzione trasmesse dal Tribunale di detto Illustrissimo, e Reverendissimo Giudice == Quatenus nel Caso si pubblicassero qualsivoglia Editti, Interdetti, Censure, o altri qualsivoglia Ordini, Decreti, o Rescritti, eziandio in forma Brevis della Corte Romana per qualsivoglia via, o sotto qualsivoglia Titolo, senza prima precedervi il Regio Exequatur; Per li quali, o qualsivoglia di loro direttamente, o indirettamente, tacita, o espressamente venissero revocati, lesi, e pregiudicati, o in qualsivoglia modo alterati gl' Editti publicati d'ordine di Sua Eccellenza, o d'altri d'ordine nostro, stante le speciali Commissioni per via dell' istesso Tribunale sotto li 25. Aprile, e 16. Maggio scorsi, o che rinnovassero l' Interdetto, Censure, ed altre publicate d'ordine del Reverendissimo Monsignore Don Andrea Riggio Vescovo di Catania, o d'ordine di qualsivoglia Prelato, Vicario Generale, o altro Commissionato di sudetta Corte, o vero che pubblicassero altri Editti, Interdetti, e Censure contra qualsivoglia persona di qualunque stato, e condizione, che fosse, non habbia, ne debbia quella eseguire, ne osservare, ne fare eseguire, ne osservare da proprii Suditi; Et quatenus fossero eseguiti, o in qualsivoglia modo osservati, habbia, voglia, e debba ogni cosa ridurre allo stato primiero, come se mai fossero stati li sudetti Decreti, Editti, Interdetti, e Censure ne publicati, ne osservati, ne affissati, e questo sotto pena della disgrazia di Sua Maestà (che la Divina guardi) di privazione di voce attiva, e passiva, e di anni cinque di Carceri formali per ogni Contravventore, ed altre pene riservate all' arbitrio di S. E., e Tribunale sudetto; e questo stante che li sudetti*

Decreti, Breui, Interdetti, Rescritti, e Censure non sono nel Regno eseguiti, anzi tendono contro la publica quiete del Regno, contro la tranquillità delle Conscienze de Fedeli del medemo, & in grave pregiudizio delle Regalie di Sua Maestà (che la Divina guardi) del Regno, e di sudetto Tribunale dell' Apostolica Legazia, e Regia Monarchia, con evidente perturbazione de Popoli, scandali, ed inconvenienti contro la publica quiete, e contro la disposizione delle Leggi del Regno, di più Reali Dispositi de Serenissimi Monarchi, fondati in evidentissime ragioni, avvalorate da antichissima, ed immemorabile osservanza, mai interrotta nel corso di più Secoli, mà uniforme al dritto delle genti, Sacri Canoni, Privilegij Apostolici, e Concordie con la Santa Sede, e stante che notoriamente sono di nessuna forza, e valore li Decreti, e Rescritti sudetti, come quelli, che tengono l'origine d'altri Decreti assolutamente non eseguiti nel Regno, mà emanati de facto, & ex abrupto, nullo Juris ordine servato, e senza essere intese le ragioni di Sua Maestà, del Regno, de Regnicoli, e del Fisco di sudetto Tribunale dell' Apostolica Legazia, e Regia Monarchia, senza veruna cognizione, ne discussione di Causa, e senza monizione, ne citazione alcuna, assolutamente necessaria per ogni Legge Divina, & humana, e ne meno senza Citazione ad dicendum causam Quare, secondo li precepsi dell' istessa Verità increata, Constitutioni Apostoliche, e Concilij Generali, e non altrimenti &c. == Fiat == D. D. Cajetanus Buglio Delegatus == Ioannes Baptista Perino Magister Notarius == Cum autem in Præcepto, seu Mandato hujusmodi nullum planè sit verbum, per quod tam Ecclesiastica Libertas Dei ordinatione, & Canonicis Sanctionibus constituta, quàm Apostolicæ Sedis auctoritas acerbissimè non lædantur: potissimùm verò per ea, quæ inibi continentur, illam et supremam ligandi, atque solvendi potestatem Beatissimo Apostolorum Principi, ejusque Successoribus à Christo Domino tradita Sæcularis potestatis arbitrio per summam injuriam, atque intolerabilem temeritatem manifestè subiciatur: necnon execrandus abusus quoquo modo impediendi executionem Literarum Apostolicarum per eisdem Sacros Canones, & plurimas notissimas Pontificias Constitutiones sub anathemate damnatus, plenè conformis non tam Juri Gentium, quàm ipsismet Sacris Canonibus, Privilegiis Apostolicis, ac Concordijs cum Sede præfatâ initis, falsò non minùs, quàm perversè nuncupetur: adeoque animæ pretioso Salvatoris nostri Sanguine redemptæ in maxima pericula conici possint. Hinc est, quod Nos, qui quorumcunque tam ejusdem Apostolicæ Sedis, quàm Ecclesiæ Jurium Assertores in terris à Domino constituti sumus, tametsi credamus Præceptum, seu Mandatum præinsertum, omniaque in eo contenta, satis, superque tam per seipsa, quàm vigore eorum, quæ in aliis memoratis nostris Literis pro reprobatione, irritatione, & annulatione Edicti ab eodem Cajetano dudum promulgati, necnon aliorum ab eo in vim suæ assertæ Delegationis gestorum, omniumque inde secutorum, & quancumque secutorum, sicut præmittitur, editis, amplissimè adcre-

vimus

vimus, & mandavimus, pro reprobatis itidem, irritis, & omnino nullis haberi potuisse, ac debuisse, & forsàn à sanioris saltem mentis hominibus jam habita fuisse; nihilominus, cùm inter tam gravia animarum pericula liberum Nobis non sit fidelibus populis documenta salutis subtrahere, nec Nos in tam apertâ, atque effrenatâ Sacrarum Legum violatione turpièr tacere, aut Pastoralis providentiæ nostræ ministerium otiosum esse velimus: omnium idcirco, & singulorum, quæ in præmissis, seu eorum occasione tam ab eodem Cajetano, quàm ab aliis quibuscunque in sequelam Præcepti, seu Mandati præinserti quovis modo decreta, acta, & gesta fuerunt, seriem, causas, & circumstantias, necnon præfatarum nostrarum Literarum tenorem, aliæ quælibet, etiam specificam, & individuum mentionem, & expressionem requirentia, præsentibus pro plenè, & sufficientèr expressis, & insertis, ac singillatim specificatis habentes: Motu proprio, ex certâ scientiâ, & maturâ deliberatione Nostris, deque Apostolicæ potestatis plenitudine, Præceptum, seu Mandatum, præinsertum, ac quæcumque in eo contenta, necnon alia à memorato Cajetano Buglio in præmissis, vel circa ea quomodocunque, & qualitercunque acta, gesta, mandata, decreta, & ordinata, cum omnibus, & singulis indè secutis, & forsàn quodocunque secuturis, penitus, & omnino nulla, irrita, invalida, injusta, reprobata, damnata, inania, temeraria, & à non habentibus potestatem damnablem attentata, ac de facto præsumpta, nulliusque omnino roboris, & momenti, vel efficacis esse, & ab initio fuisse, ac perpetuò fore, neque illa à quoquam observari posse, vel potuisse, adeoque nec ullum statum facere, vel fecisse, sed perindè ac si nunquam emanassent, nec facta fuissent, pro non extantibus, & non factis perpetuò itidem haberi debere tenore præsentium declaramus; Et nihilominus ad maiorem cautelam, & quatenus opus sit, illa omnia, & singula, & si quæ insuper præmissorum occasione, sive in eorum sequelam à prædicto Cajetano, seu ejus jussu, mandato, vel nomine ab aliis quibuscunque in futurum (quod Deus avertat) agi, geri, mandari, decerni, & ordinari quomodolibet contigerit, harum serie damnamus, reprobamus, revocamus, cassamus, irritamus, annullamus, abolemus, viribusque, & effectû penitus, & omnino vacuumus, ac pro damnatis, reprobatis, revocatis, cassatis, irritis, nullis, invalidis, & abolitis, viribusque, & effectû penitus, & omnino vacuis semper haberi volumus, & mandamus. Decernentes pariter easdem præsentis Literas, & in eis contenta quæcumque, etiam ex eo, quod prædicti, & alij quicumque in præmissis interesse habentes, seu habere quomodolibet prætendentes, cujusvis status, gradus, ordinis, præminentis, & dignitatis existant, seu aliàs specificâ, & individua mentione, & expressione digni illis non consenserint, nec ad ea vocati, citati, & auditi, causæque, propter quas præsentis emanarint, sufficientèr adductæ, verificatæ, & justificatæ non fuerint, aut ex aliâ quolibet, etiam quantumvis juridicâ, & privilegiatâ causâ, colore,

præ-

prætextu, & capite, etiam in corpore Juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vicio, seu intencionis nostræ, vel interesse habentium consensus, aliove quolibet, etiam quantumvis magno, & substantiali, ac inexcogitato, & inexcogitabili, individuumque expressionem requirente defectu, notati, impugnari, infringi, & invalidari, retractari, in controversiam vocari, aut ad terminos Juris reduci, seu adversus illas apositionis oris, restitutionis in integrum, aliudve quodcumque juris, facti, vel gratiæ remedium intencari, vel impetrari, aut impetrato, seu etiam motu, scientiâ, & potestatis plenitudine paribus concessio, vel emanatio, quempiam in Judicio, vel extra illud, seu se juvare ullo modo posse; sed ipsas præsentēs Litteras semper firmas, validas, & efficaces existere, & fore, ac quibuscumque juris, seu facti defectibus, qui adversus illas à Sacrali potissimum potestate, seu prædicto assertæ Monarchiæ Siculi Tribunali, ad effectum impediendi, seu retardandi earum executionem, quovis modo, seu ex quavis causâ opponi, seu obijci possent, minime refragantibus, suos plenarios, & integros effectus sortiri, & obtinere: Easque propterea, omnibus, & singulis per eandem Sacratam potestatem, siue per idem assertum Tribunal quomodolibet aliatis, seu afferendis impedimentis penitis, & omnino reiectis, ac nequaquam attentis, ab illis, ad quos spectat, & pro tempore quodcumque spectabit, inviolabiliter, & inconcussè observari: Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. Cardinales, etiam de Lætero Legatos, & præfatz Sedis Nuncios, aliosque quoslibet quatuorque præsentem, & potestate fungentes, & futuros: sublatâ eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, ac irritum, & inane, si secus supor his à quoquam quavis auctoritate scienter, vel ignoranter contigerit attentari, Non obstat prædictis, & quatenus opus sit, Nostrâ, & Cancellariæ Apostolicæ Regula de Jure quaesito non tollendo, aliisque Apostolicis, ac in Uniuersalibus, Provincialibusque, & Synodalibus Concilijs editis, generalibus, vel specialibus Constitutionibus, & Ordinationibus, necnon quibusvis, etiam iuramento, confirmatione Apostolicâ, vel quavis firmitate aliâ roboratis, Statutis, & consuetudinibus, ac prescriptionibus, quantumvis longissimis, & immemorabilibus, Privilegijs quoque, Indultis, & Litteris Apostolicis, quibuscumque personis, etiam quantumvis sublimibus, & specialissimâ mentione dignis, à Sede prædictâ ex quacumque causâ, etiam per viam contractus, & remunerationis, sub quibuscumque verborum tenoribus, & formis, ac cum quibusvis, etiam derogatoriis derogatorijs, aliisque efficacioribus, efficacissimis, & insolitis clausulis, irritantibusque, & alijs decretis, etiam motu, scientiâ, & potestatis plenitudine paribus, seu ad quarumcumque per-

sona-

sonarum, etiam Imperiali, Regali, aliâque qualibet mundanâ, vel Ecclesiasticâ Dignitate fulgentium instantiam; aut earum contem-
platione, seu aliâs quomodolibet in contrarium præmissorum con-
cessis, editis, factis, ac pluries iteratis, ac quantiscunque vicibus
approbatis, confirmatis, & innovatis, Quibus omnibus, & singulis,
etiâsi pro illorum sufficienti derogatione de illis, eorumque totis
tenoribus specialis, specifica, expressa, & indiuiduâ, ac de verbo ad
verbum, non autem per clausulas generales idem importantes;
mentio, seu quævis aliâ expressio habendâ, aut aliqua aliâ exquisita
forma ad hoc seruanda foret, tenores huiusmodi, ac si de verbo ad
verbum, nihil penitus omisso, & formâ in illis traditâ obseruatâ,
exprimerentur, & infererentur, præsentibus pro plenâ, & sufficienter
expressis, & insertis habentes, illis aliâs in suo robore permansuris,
ad præmissorum effectum, hac vice dumtaxat, specialiter, & expressè
derogamus, & derogatum esse volumus, cæterisque contrarijs qui-
buscumque. Ut autem eadem præsentis Literæ ad omnium noti-
tiam facilius deueniant, volumus illas, seu earum exempla ad val-
vas Ecclesiæ Lateranensis, ac Basilicæ Principis Apostolorum, nec
non Cancellariæ Apostolicæ, Curiaque Generalis in Monte Cita-
torio, & in Acie Campi Floræ de Vrbe, ut moris est, affigi, & publi-
cari; sicque publicatas, & affixas omnes, & singulos, quos illæ con-
cernunt, perindè arctare, & afficere, ac si vniciuique eorum nomina-
tim, & personaliter intimatæ fuissent; Veque ipsarum Literarum
transumptis, seu exemplis, etiam impressis, manu alicuius Notarij
publici subscriptis, & sigillo personæ in Ecclesiasticâ dignitate con-
stitutæ munitis eadem prorsus fides tam in Iudicio, quàm extrâ il-
lud, ubique adhibeatur, quæ eisdem præsentibus adhiberetur, si fo-
rent exhibitæ, vel ostensæ. Datum Romæ apud S. Mariam Majo-
rem sub Annulo Piscatoris die xxix. Novembris M DCC XIV.
Pontificatus Nostri Anno xiv.

F. Oliverius.

Anno à Natiuitate D.N. Iesu Christi millesimo septingentesimo decimo quarto, Indictione
septima, die verò quarta Decembris, Pontificatus Sanctiss. in Christo Patris, & D.N.
D. Clementis Divina Providentia Papæ XI. Anno decimo quarto supradictæ Literæ
Apostolicæ affixæ, & publicatæ fuerunt ad valvas Ecclesiæ Lateranensis, & Basilicæ
Principis Apostolorum, Cancellariæ Apostolicæ, Curia Generalis in Monte Citorio,
in Acie Campi Floræ, ac in alijs locis solitis, & consuetis Urbis, per me Ioannem Tri-
sellum Apostolicum Cursorem.

Antonius Placentinus Mag. Curf.

Le 22. Decembre 1714.

Ant. Oliverius Curf.

1714. Dec. 29.

1714. Dec. 29.

1714. Dec. 29.

1714. Dec. 29.

1714. Dec. 29.

1714. Dec. 29.

1714. Dec. 29.